

Alọdlẹndonu Nuplọnwẹ Opli Gbẹzan po Lizọnyizọn po Tọn

2-8 JANVIER

NUHỌAKUẸ LẸ SỌN OHÓ JIWHEYẸWHE TỌN MẸ | 2 AHỌLU LẸ 22-23

“Naegbọn Mí Dona Yin Whiwhẹnọ?”

w00 15/9 29 huk. 7-30 huk. 1

Josia Whiwhẹnọ Mọ Nukundagbe Jehovah tọn

Sọn afọnnu fuu, vojlado-basitọ tẹmpli lọ tọn lẹ wazọn sinsinyẹn. Na jide tọn Josia dopẹ na Jehovah dọ azọnwato lẹ ko jla onú he de lẹ to tọgbo ylankan etọn lẹ mẹ ko hẹngble to ohọ Jiwheyẹwhe tọn mẹ do. Dile azọn lọ to nukonyi, Şafani wá nado na linlin. Şigba etẹwẹ tin to alọ etọn mẹ? Etẹ nkọ, ewọ hẹn owe-hihá de! E basi zẹmẹ dọ Hilkia Yẹwhẹnọ Daho ko mọ “owe osẹn OKLUNỌ tọn tọn lọ he yẹ na gbọn alọ Mose tọn mẹ.” (2 Otannugbo lẹ 34:12-18) Nudindinmọ nankọtọn die—matin ayihaawe vọkan jọnwun Osẹn lọ tọn wẹ e yin!

Josia tin to jejeji nado sẹ ohó he tin to owe lọ mẹ lẹpo. Dile Şafani to hihia ẹ, ahọlu lọ nọ tẹnpon nado mọ lehe gbedide dopodopo gando ewọ po gbẹtọ lẹ po go do. Ewọ yin nuyiwadeji na titengbe tọn gbọn lehe owe lọ zinnudo sinsẹn-bibasi nugbo tọn ji bosọ dọ dọdai azọnylankan lẹ po meyan-dogbé he na wá po eyin gbẹtọ lẹ tindo mahe to sinsẹn lalo tọn mẹ. To yinyọnen todin dọ e mayin gbedide Jiwheyẹwhe tọn lẹpo wẹ ko yin hihodo, Josia tlen awugbó etọn lẹ bosọ na gbedide Hilkia, Şafani, po mèdevo lẹ po dọmọ: ‘Kanbiọ sọn Jehovah dẹ gando ohó he tin to owe ehe mẹ lẹ go; na daho wẹ home- gble Jehovah tọn he yẹ kọn jẹgbonu do mí ji na otọ mítọn lẹ ma ko payi ohó owe ehe

mẹ tọn lẹ go gba.’—2 Ahọlu lẹ 22:11-13; 2 Otannugbo lẹ 34:19-21.

w00 15/9 30 huk. 2

Josia Whiwhẹnọ Mọ Nukundagbe Jehovah tọn

Wẹnsagun Josia tọn lẹ yì yẹwhegán-yọnnu Hulda dẹ to Jelusalem bosọ lẹkọ po linlin de po. Hulda ko vọ ohó Jehovah tọn dọ, bo dohia dọ nujabajẹmẹji heyin kinkàndai to owe he şeşe yin mimọ lọ mẹ na wá akọta atẹşitọ lọ ji. Şigba, na e whiwhẹ ede to Jehovah Jiwheyẹwhe nukọn wutu, Josia ma dona mọ nujabajẹmẹji lọ gba. Ewọ na yin bibẹpli hlan tọgbo etọn lẹ bo nasọ yin hinhen yì yodo etọn mẹ to jijọho mẹ. —2 Ahọlu lẹ 22:14-20; 2 Otannugbo lẹ 34:22-28.

Onú Sisosiso Gbigbọmẹ Tọn Lẹ

w01 15/4 26 huk. 3-4

Hiẹ Sọgan Tindo Kọdetọn Dagbe Mahopọnna Mẹgopinponwhẹn Towe

Mahopọnna ninọmẹ awugblenamẹ bejẹeji ovuwhenu etọn tọn lẹ, Josia zindonukọn nado wà nuhe yin dagbe to nukun Jehovah tọn mẹ. Gandudu etọn tindo kọdetọn dagbe sọmọ bọ Biblu dọmọ: “Jijlẹ do ewọ go ahọlu de ma ko tin to e nukọn, he yì ayiha etọn lẹpo, po alindọn etọn lẹpo po, po huhlọn etọn lẹpo po do lẹ do OKLUNỌ dẹ, kẹdẹdi osẹn Mose tọn lẹpo, mọ to e godo depope masọ fọn di i.”—2 Ahọlu lẹ 23:19-25.

Apajlẹ tulinamẹ tọn nankọtọn die Josia sọawuhia nado yin na mẹhe sọgan ko doakọnna ovuwhenu he ylan taun lẹ! Etẹwẹ mí sọgan plọn sọn apajlẹ etọn mẹ? Etẹwẹ gọalọna Josia nado dẹ aliho dagbe gbẹzan tọn lọ bosọ gbọşì e ji?

9-15 JANVIER

NUHQAUE LÊ SỌN OHÓ JIWHEYEWHE TỌN MỆ | 2 AHỌLU LÊ 24-25

**“Nọ Hẹn Ojle He mẹ Mí to Gbẹnọ te Do
Ayiha Mẹ”**

w01 15/2 12 huk. 2

Azán Whẹdida Jehovah Tọn Sẹpọ!

²Matin ayihaawe dọdai Zefania tọn hẹn Ahọlu joja Josia tin to nukle hugan gando nuhudo lọ go nado klọ Juda wé sọn sinsẹn-bibasi mawé mẹ. Şigba nuyiwa ahọlu lọ tọn lẹ to aigba lọ kiklówé sọn sinsẹn lalo si mẹ ma de kanyinyan lẹpo sẹ sọn gbẹtọ lọ lẹ şenşen kavi basi ovesẹ na ylando tọgbo etọn, Ahọlu Manasse tọn lẹ, mehe ko “yí ohùn homevọnọ [tọn] do gọ Jelusalem” mẹ tọn gba. (2 Ahọlu lẹ 24:3, 4; 2 Otannugbo lẹ 34:3) Enẹwu-tu, azán whẹdida Jehovah tọn na wá na jide tọn.

w07 15/3 11 huk. 10

Nuagokun lẹ sọn Owe Jẹlemia Tọn Mẹ

Nujijọ lọ wá aimẹ to owhe 11tọ gandudu Zedekia tọn mẹ to 607 J.W.M. Ahọlu Nẹbukadneşzali Babilọni tọn ko dosla lẹdo Jelusalem na osun 18 he jẹnukọn lẹ. To azán şinawetọ osun atọtọ owhe 19tọ gandudu Nẹbukadneşzali tọn mẹ, Nẹbuzaladani, awhàngán awhàngbẹ lọ tọn “wá” Jelusalem. (2 Ahọlu lẹ 25:8) Nẹbuzaladani sọgan ko lẹnnupọndo ninọmẹ lọ ji bo basi titi nuhe e na wà tọn sọn osla etọn mẹ to gbonu adó tódaho lọ tọn. Azán atọn godo, to azán aotọ osun lọ tọn mẹ, e “biọ” Jelusalem bo domiyọn tódaho lọ. —Jẹlemia 52:12, 13.

Onú Sisosiso Gbigbọmẹ Tọn Lẹ

w05 1/8 11 huk. 13

**Nuagokun lẹ sọn Owe Ahọlu lẹ Awetọ
Tọn Mẹ**

24:3, 4. Na ohùnhọ he Manasse ko dù wutu, Jehovah “ma . . . jlo na jona” Juda. Jiwheyewhe nọ yí nukun nujọnu tọn do pọn ohùn homevọnọ lẹ tọn. Mí sọgan deji dọ Jehovah na yiahosu na ohùn homevọnọ lẹ tọn gbọn mehe sọn ẹn dai lẹ vivosudo dali.—Psalm 37:9-11; 145:20.

16-22 JANVIER

NUHQAUE LÊ SỌN OHÓ JIWHEYEWHE TỌN MỆ | 1 OTÀNNUGBO LÊ 1-3

“Biblu Ma Yin Owe Otàngblo Tọn De”

w09-F 1/9 14 huk. 2

Be Adam po Evi po Nọgbẹ Pọn Nugbonugbo Ya?

Di apajlẹ, lẹnnupọndo todohukanji tọgbo Ju lẹ tọn he yin sislẹ to Biblu mẹ to Otànnugbo lẹ Tintan weta 1 jẹ 9 po Wẹndagbe Luku tọn weta 3 po mẹ lẹ ji. Todohukanji awe lọ lẹ na nudọname gigọ gando whẹndo lẹ go, dopo donù whẹndo 48 go bọ awetọ donù whẹndo 75 go. Luku dọhodo hukan whẹndo tọn Jesu Klisti tọn ji, bọ Otànnugbo lẹ basi todohukanji tọgbo ahọlu po yewhenọ akọta Israeli tọn lẹ po tọn. Todohukanji awe lọ lẹpo wẹ bẹ yinkọ mehe mí jẹakọ hẹ taun de lẹ tọn hẹn, taidi Sọlomoni, Davidi, Jakọbu, Isaki, Ablaham, Noa podọ Adam. Mehe yinkọ yetọn yin sislẹ do todohukanji awe lọ lẹ mẹ lẹpo wẹ *nọgbẹ pọn*, podọ to kandai lọ lẹ do-podopo mẹ Adam wẹ yin omẹ tintan he *nọgbẹ pọn*.

w08-F 1/6 3 huk. 4**Singigọ Noa Whenu Tọn Ma Yin Otàngblo**

To Biblu mẹ, kandai todohukanji kúnkan lẹ tọn awe wẹ dohia dọ Noa nọgbẹ pọn. (1 Otànnugbo lẹ 1:4; Luku 3:36) Mēhe basi kandai awe lọ lẹpo, enẹ wẹ Ẽzla po Luku po wẹ nọ yí sọwhiwe do basi dodinnanu. Kandai Luku tọn dohia dọ whendo Noa tọn mẹ wẹ Jesu Klisti wá sọn.

w09-F 1/9 14 huk. 7**Be Adam po Evi po Nọgbẹ Pọn Nugbonugbo Ya?**

Di apajlẹ, lẹnnupondo sinsẹn-nuplọnme ofligo tọn ji, ehe yin nuplọnme nujonu tọn de na suhugan sọsi-yitọ lẹ tọn. Sogbe he nuplọnme ehe, Jesu Klisti ze ogbẹ pipé eton jo taidi ofligo de nado whlẹn mēsu-su sọn ylando yeton lẹ mẹ. (Matiu 20:28; Johanu 3:16) Ofligo de ka yin akuẹ he sọzen pepẹ de súsú nado fli nuhe ko yin hinhēnbu de gọ. Enẹ wẹ zọn bọ Biblu do dlenalodo Jesu taidi “ofligo he sọzen de.” (1 Timoti 2:6) Mí gán kanse dọ, etewẹ ofligo lọ sọzen hẹ? Biblu na gblondo lọ bo dọ: “Kededile mēlẹpo to kúkú to Adam mẹ, modopolọ wẹ mēlẹpo na yin hinhēnwa ogbẹ to Klisti mẹ do ga.” (1 Kọlintinu lẹ 15:22) Ogbẹ pipé he Jesu yí do sanvọ nado fli gbẹtovi tonusetọ lẹ gọ sọzen hẹ ogbẹ pipé he Adam hēnbu na ylando he e wá to jipa Edeni tọn mẹ wutu. (Lomunu lẹ 5:12) E hōnwun dọ eyin Adam ma nọgbẹ pọn, be osin bado pápá nẹgbé wẹ avosinsan ofligo tọn Klisti tọn na ko yin.

Onú Sisosiso Gbigbomẹ Tọn Lẹ**it-1-F 977 huk. 2-3****Hukan Whendo Tọn**

Yinkọ Yonnu lẹ Tọn. To whedelenu, yinkọ yonnu lẹ tọn nọ yin sislẹ do kandai

hukan whendo tọn lẹ tọn mẹ, eyin whewhinwhēn whenuho tọn de tin nado wamọ. Jenẹsisi 11:29, 30 donu Salai (Sala) go, na e hōnwun dọ ewọ gblamẹ wẹ kúnkan dopagbe lọ na wá gbọn, e ma yin gbọn asi Ablaham tọn devo gblamẹ. Milka losu na ko yin nùdego to kandai ehe mẹ na ewọ wẹ onọ-daho Lebeka, yèdọ asi Isaki tọn. To whenuena e yindọ Isaki ma dona mọ asi sọn akọta devo lẹ mẹ, enẹ to didohia dọ hēnnumẹ Ablaham tọn lẹ mẹ wẹ whendo Lebeka tọn wá sọn. (Jen 22:20-23; 24:2-4) Jenẹsisi 25:1 sọ donu asi he Ablaham wá dà to nukon mẹ de go, enẹ wẹ Ketula. Ehe dohia dọ Ablaham vọ asi dà to okú Sala tọn gododo, podọ dọ nugopipe vijiji tọn Ablaham tọn lẹ ma ko kú etlẹ yin owhe 40 linlán to whenue Jehovah ko hēn yé gowá ogbẹ to azonjia-wu-liho gododo. (Lo 4:19; Jen 24:67; 25:20) Ehe sọ do kanşıša he Midianinu lẹ po hēnnu Alabianu lẹ tọn devo lẹ po tindo hẹ Israeli hia.

Lea, Laheli po asimowhlá Jakọbu tọn lẹ po, gona ovi he yemẹpo ji na en lẹ sọ yin nùdego. (Jen 35:21-26) Ehe goalona mí nado monukunnujẹ lehe Jiwheyewhe wá yinuwa hẹ ovi enẹlẹ do mẹ. Whewhinwhēn monkọ lẹ wutu wẹ yinkọ yonnu devo lẹ tọn yin sislẹ do todohukanji hukan whendo tọn lẹ tọn mẹ. Yinkọ yeton sogan yin nùdego eyin yé mọ ogú de yí. (Sọh 26:33) Nugbo wẹ dọ whẹho Tamali, Lahabi po Luti po tọn gbọnvo. To whẹho yonnu ehe lẹ dopodopo tọn mẹ, aliho vonotaun mẹ wẹ yé wá lẹzun onọ-daho Mesia lọ, yèdọ Jesu Klisti tọn te. (Jen 38; Lut 1:3-5; 4:13-15; Mt 1:1-5) Fidevo he yinkọ yonnu lẹ tọn yin nùdego te to todohukanji hukan whendo tọn lẹ tọn mẹ wẹ 1 Otànnugbo lẹ 2:35, 48, 49; 3:1-3, 5.

23-29 JANVIER

NUHOAKUE LÊ SỌN OHÓ JIWHEYEWHE TỌN MẸ | 1 OTÀNNUGBO LÊ 4-6

“Etẹwẹ Odẹ Şie lẹ Nọ Dehia Gando Go E?”

w11 1/1 10 huk. 3-7

‘Mẹhe Nọ Sẹ Odẹ’

Jabezi tindo aṣa lọ nado nọ hodẹ. E bẹ odẹ etọn jẹji gbọn dona Jiwheyewhe tọn bibiọ dali. Enẹgodo, e biọ onú atọn he dohia dọ e tindo yise he lodo.

Tintan, e vẹ Jiwheyewhe dọmọ: “Hẹn agboji [kavi aigba] şie klo.” (Wefọ 10) Dawe yeyinọ ehe ma nọ donukunkẹn do aigba hatọ etọn tọn go gba. E yonbasi dọ obiọ ahundopo tọn etọn ni gando gbẹtọ go hugan aigba. E na ko to bibiọ dọ aigba etọn ni yin hinhen gblodeji to jijoho mẹ na e nido sọgan bẹ sinsẹn-basitọ Jiwheyewhe nugbo lọ tọn susu dogo hẹn.

Awetọ, Jabezi biọ dọ “alọ” Jiwheyewhe tọn ni tin hẹ emi. Alọ yehiadonu tọn Jiwheyewhe tọn wẹ huhlọn etọn he e nọ yizan nado goalọna sinsẹn-basitọ etọn lẹ. (1 Otannugbo lẹ 29:12) Na Jabezi nido mọ gblondo na obiọ etọn lẹ, e lẹhlan Jiwheyewhe mẹhe alọ etọn ma whete nado goalọna mẹhe nọ do yise hia to ewọ mẹ lẹ.—Isaia 59:1.

Atontọ, Jabezi hodẹ hlan Jiwheyewhe dọmọ: “Whlá mi sọn oylan [kavi adángbòmẹ] mẹ, bọ e ma nado tin hlan awubla şie gba.” Hogbe lọ “bọ e ma nado tin hlan awubla şie” sọgan zẹmẹdo dọ Jabezi to bibiọ Jiwheyewhe dọ ni basi hihọna emi na kọdetọn adángbòmẹ lẹ tọn ni ma hẹn awubla wá emi ji kavi húagbọ emi blo, e ma to bibiọ dọ Jiwheyewhe ni gılonalina adángbòmẹ lọ lẹ gba.

Odẹ Jabezi tọn dohia dọ sinsẹn-bibasi nu-gbo nọ duahunmẹna ẹn podọ e yise bo dejido Mẹhe nọ sẹ odẹ go. Nawẹ Jehovah na gblondo odẹ etọn gbọn? Kandai kleun ehe wá tadona kọn po hogbe ehele po dọmọ: “Jiwheyewhe sọ yí enẹ he e biọ na ẹn.”

Onú Sisosiso Gbigbọmẹ Tọn Lẹ

w05 1/10 9 huk. 7

Nuagokun lẹ sọn Owe Otannugbo lẹ Tintan Tọn Mẹ

5:10, 18-22. To azán Ahọlu Sauli tọn lẹ gbẹ, whẹndo he tin to whèzẹtẹn waji Jọ-dani tọn lẹ gbawhàn Haglinu lẹ tọn dile etlẹ yindọ Haglinu lẹ yí hugan whlaawe do sù hú yé. Sunnu adogbotọ whẹndo ehele tọn lẹ penugo nado wàmọ na yé dejido Jehovah go bo dín alọgo sọn e dẹ wutu. Mì gbọ mí ni dejido Jehovah go mlenmlen dile mí to awhàn gbigbọmẹ tọn míton fùn sọta kẹntọ he sù tlala hugan mí lẹ.—Efe-sunu lẹ 6:10-17.

30 JANVIER–5 FÉVRIER

NUHOAKUE LÊ SỌN OHÓ JIWHEYEWHE TỌN MẸ | 1 OTÀNNUGBO LÊ 7-9

“A Gán Hẹn Azọndenamẹ He Kàn Dẹẹ Biọ lẹ Di po Alọgo Jehovah Tọn Po”

w05 1/10 9 huk. 8

Nuagokun lẹ sọn Owe Otannugbo lẹ Tintan Tọn Mẹ

9:26, 27. Levinu he yin họnjinọtọ lẹ tindo azọndenamẹ titengbe de. Hónhungan he nọ hùn fiwiwe tẹmpli lọ tọn lẹ yin zizedo alọ yetọn mẹ. Yé dohia dọ yé yin mẹhe go yé sọgan dejido lẹ gbọn ohọn lọ lẹ hùnhùn egbesọegbesọ dali. Mí ko yin azọndena nado jẹ mẹhe tin to aigba-denamẹ míton ji lẹ dẹ bo goalọna yé nado wá sẹn Jeho-

vah. Be e ma jẹ dọ mí ni dohia dọ mí yin mēhe go yè sogan dejido podọ nugbono taidi Levinu hōnjintọ lẹ lẹ ya?

w11 15/9 32 huk. 7

Be Hiẹ Sogan Yinuwa Taidi Finehasi to Nuhahun lẹ Nukon Ya?

Finehasi didá azongban daho de to akọta Israeli hohowhenu tọn mē; etomoso, e duto avunnukundiosomenu lẹ ji na e gbado bo yinuwa po zinzin po bosọ ganjẹ Jehovah go wutu. Podọ Jehovah dona vivēnudido vekuẹku eton nado penukundo agun Jiwheyewhe tọn go. To nudi owhe 1 000 godo, Ezla wlan to gbodo glọ dọmọ: “Finehasi visunnu Eleazali tọn wẹ tin to yé ji daidai, OKLUNO sọ tin po e po.” (1 Otàn. 9:20) Na Jiwheyewhe ni tin hẹ mēhe yin nukontọ to omẹ eton lẹ sēsẹn to egbehe lẹpo, podọ na nugbo tọn, hẹ Klistiani he to sinsẹn ẹn po nugbono-yin yin po lẹpo.

Onú Sisosiso Gbigbomẹ Tọn Lẹ

w10 15/12 21 huk. 6

Jihàn Hlan Jehovah!

⁶ Mowẹ, Jehovah wẹ deanana sinsẹn-basitọ eton lẹ gbọn yewhegán eton lẹ gblame nado nọ pà ẹ po hānjiji po. Etlẹ yin bibiọ to hānjitọ he wá sọn whendo yewhenọ tọn mē lẹ si ma nado didá azongban he Levinu devo lẹ nọ hendi, na yé nido sogan zan whenu he pé nado pà ohàn lẹ, podọ vlavo nado basi zepọn yeton.—1 Otan. 9:33.

AWUWIWLENA LIZONYIZON KUNNUDEGBE TON

w21.06 3-4 huk. 3-8

Gọlọna Nuplontọ Towe lẹ Nado Yí Baptẹm

³ Whẹpo nuplontọ de nido yí baptẹm, e dona yí nuhe Biblu plọn mí lẹ do yizan mē.

(Hia Matiu 28:19, 20.) Eyin nuplontọ de yí nuhe e plọn do yizan mē, e nọ taidi “dawe nuyonentọ” lẹ he go Jesu donu to apajlẹ eton mē, mēhe kùn odò he yido taun de nado gbá ohọ eton do osé ji. (Mat. 7:24, 25; Luku 6:47, 48) Nawẹ mí gán gọlọna nuplontọ de nado yí nuhe plọn e te do yizan mē gbọn? Mì gbọ mí ni gbadoponna ayiname atọn dele.

⁴ Gọlọna nuplontọ towe nado ze yanwle lẹ dai. Naegbọn a dona wàmọ? Lennupondo apajlẹ ehe ji: Eyin a jlo na zingbejizōnlin gaa de, a gán bayi tito nado nọte to ofi dagbedagbe dele to ali lẹ ji. Enẹ na zōn bọ gbejizōnlin lẹ ma na dẹn sọmọ to nukun towe mē. Mọdopolọ, eyin nuplontọ de ze yanwle ojẹ gli tọn lẹ donukonna ede bosọ jẹ yé kọn, e yonbayi dogo dọ ni mọdọ emi gán jẹ yanwle baptẹm tọn kọn. Yí adà lẹ “Yanwle” he to owe *Duvivi Ogbẹ Tọn Kakadoi!* mē zan nado gọlọna nuplontọ towe nado yinukon. To vivonu nupinplon dopodopo tọn, dōhodo lehe yanwle lẹ tindo kanṣiṣa hẹ nuhe nuplontọ towe sẹsẹ plọn do ji. Eyin yanwle devo wẹ a tindo to ayiha mē na nuplontọ towe, kàn ẹn do ofi vọtọ he to “Yanwle Devo Lẹ” glọ. Sọn ojẹ de mē jẹ devo mē, nọ yí adà nupinplon tọn ehe zan nado vọ dogbaponna yanwle ojẹ gli tọn gona yanwle ojẹ gaa tọn eton lẹ.

⁵ Gọlọna nuplontọ towe nado bayi diodo lẹ to gbẹzan eton mē. (Hia Malku 10:17-22.) Jesu yonẹn dọ e na vẹawuna dawe adokunnọ de nado sà nutindo eton lẹpo. (Malku 10:23) Sogan, e dona dawe lẹ nado bayi diodo daho ehe to gbẹzan eton mē. Etẹwutu? Na Jesu yiwanna ẹn wutu wẹ. To whedelenu, mí gán nọ whleawu nado na tuli nuplontọ de nado yí nuhe plọn e te lẹ do yizan mē, na mí mọdọ e

ma ko wleawufo nado bayi diɔdo he yin dandan tɔn de wutu. E gán yí whenu to mɛdele si nado dealɔ sɔn walɔ hoho yetɔn le mɛ, bo ze gbɛto-yinyin yoyo lɔ do. (Kol. 3:9, 10) Amɔ, lehe a yawu dɔhodopɔ hɛ ɛ tlɔlɔ do whɛho ehe ji sɔ, mɔ wɛ nuplɔntɔ lɔ gán yawu jɛ diɔdo le bayi ji do niyɛn. Gbɔn hodɔdopɔ mɔnkɔ gblamɛ, a na dohia dɔ onú etɔn nɔ duahunmɛna we. —Salm. 141:5; Howh. 27:17.

⁶ Kanbiɔ mɛhɛnlɛnnupɔn tɔn yin kanbiɔ de he mí nɔ kanse nuplɔntɔ de nado yɔn pɔndohlan kavi linlɛn etɔn gando whɛho de go. Nɔ yí kanbiɔ mɔnkɔ de zan nado yɔn nuhe mɛ nuplɔntɔ towe mɔnukunnu-jɛ bosɔ yise le. Eyin a nɔ wàmɔ whɛwhɛ, e na boawuna we dogɔ nado dɔhodopɔ hɛ ɛ do whɛho he gɛdɛ le ji to nukɔn mɛ. Kanbiɔ mɛhɛnlɛnnupɔn tɔn susu wɛ owe lɔ *Duvivi Ogbɛ Tɔn Kakadoi!* bɛhɛn. Di apajlɛ, nupinplɔn 4tɔ kanse dɔ: “Nawɛ a lɛndɔ e nɔ sɔ na Jehovah, eyin mí yí yinkɔ etɔn do ylo ɛ?” Nupinplɔn 9tɔ kanse dɔ: “Etɛlɛ go wɛ a nɔ jlo na hodɛ gando?” To tintan whenu, e gán yí whenu to nuplɔntɔ towe si nado lɛnnupɔndo lehe e na na gblɔndo na kanbiɔ mɛhɛnlɛnnupɔn tɔn le do ji. A gán gɔalɔna ɛn gbɔn azɔnpinplɔn ɛn nado lɛnnupɔndo wɛfɔ po yɛdide he to owe lɔ mɛ le po ji dali.

⁷ To whenue nuplɔntɔ towe ko mɔnukunnu-jɛ nuhe e dona wà mɛ, yí apajlɛ jɔnun le zan nado gɔalɔna ɛn nado wà ɛ. Di dohia, eyin e nɔ vɛawuna nuplɔntɔ towe nado wà opli le, a gán yí video lɔ *Jehovah Penukundo Go E*, he to adà lɔ “Pɔn Nudɔnamɛ Devo Lɛ” glɔ zan, to nupinplɔn 14tɔ mɛ. To nupinplɔn susu mɛ to owe lɔ *Duvivi Ogbɛ Tɔn Kakadoi!* mɛ, a na mɔ numimɔ mɔnkɔ le to adà lɔ “Dindona-nu Dogɔ” kavi “Pɔn Nudɔnamɛ Devo Lɛ”

glɔ. Payi ma nado nɔ yí nuplɔntɔ towe jlɛdo mɛdevo go gbɔn didɔ dali dɔ, “Eyin e gán pà mɛ-le, be e gán pà hiɛ lɔsu ga.” Dike nuplɔntɔ lɔ lɔsu ni wà tadona ɛnɛ kɔn. Kakatimɔ, zinnudo nuagokun ti-tengbe he gɔalɔna mɛlɔ to video lɔ mɛ nado yí nuplɔnmɛ Biblu tɔn le do yizan mɛ ji. Vlavo a gán donú wɛfɔ tangan he gɔalɔna ɛn kavi onú tangan he e wà go. Whedepopenu he e yɔnbayi, nɔ dɔn ayiha etɔn wà lehe Jehovah gɔalɔna mɛlɔ do ji.

⁸ ***Nɔ gɔalɔna nuplɔntɔ towe nado yiwanna Jehovah.*** Gbɔnna? Nɔ dín dotɛnmɛ hundote le nado dɔn ayidonugo etɔn wà jɛhɛnu Jehovah tɔn le ji. Gɔalɔna nuplɔntɔ towe nado nɔ mɔ Jehovah di Ji-whɛyɛwhe ayajɛnɔ de he nɔ gɔalɔna mɛhe yiwanna ɛn le. (1 Tim. 1:11; Heb. 11:6) Nɔ dohia nuplɔntɔ lɔ dɔ e na mɔaleyi eyin e nɔ yí nuhe plɔn e te le do yizan mɛ, bosɔ bayi zɛɛmɛ na ɛn dɔ dohia owanyi Jehovah tɔn de wɛ ehe yin. (Isa. 48:17, 18) Nuplɔntɔ towe na yin whinwhàn dogɔ nado bayi diɔdo depope he yin dandan tɔn, dile owanyi etɔn na Jehovah to jijideji.—1 Joh. 5:3.

6-12 FÉVRIER

NUHOAKUẸ LẸ SỌN OHÓ JIWHEYẸWHE TỌN MẸ | 1 OTÀNNUGBO LẸ 10-12

“Hɛn Ojlo Towe Nado Setonuna Jiwheyewhe Lodo”

w12 15/11 6 huk. 12-13

“Plɔn Mi Nado Wà Ojlo Towe”

¹² Pinpɛn-nutɔn-yinyɔnɛn he Davidi tindo na nunɔwhinnusɛn he sɔawuhia to Osɛn lɔ mɛ le po ojlo etɔn nado nɔgbɛ sɔgbɛ hɛ yɛ po sɔ yin apajlɛ de he mí dona hodo. Lɛnnupɔndo nuhe jɔ to whenue Da-

vidi jlo dọ mēde ni na emi “osin . . . nado nù sọn dotò Bẹtlehem tọn mē” ji. Omẹ Davidi tọn atọn sọ yí huhlọn do biọ tò-daho lọ mē—fie Filistinu lẹ dosla do to whenenu—bo hẹn osin wá. Şigba, “Davidi ma jlo nasọ nù sọn e mē gba, şigba kọn ẹn jẹgbonu hlan OKLUNỌ.” Etẹwutu? Davidi dọmọ: “OKLUNỌ gbẹ ẹ na mi, dọ yẹn nido wà ehe: yẹn nikaa nù ohùn omẹ ehe lẹ tọn he yí ogbẹ yetọn do owù mē? Na owù ogbẹ yetọn lẹ tọn wẹ yé yí do hẹn ẹn wá.”—1 Otan. 11:15-19.

¹³ Davidi yọnen sọgbe hẹ Osẹn lọ dọ, ohùn dona yin kinkonyinai na Jehovah bo ma dona yin dudu. E sọ yọn nuhewutu e dona yinmọ. Davidi yọnen dọ “alindon olàn lọ tọn tin to ohùn lọ mē.” Şigba, osin poun wẹ ehe yin, e ma yin ohùn. To whelọnu lo, naegbon Davidi gbẹ nado nù in? Na e yọn nunowhinnusen he ji nubiọtomesi Osẹn lọ tọn sinai do. Osin lọ yin nuhoakue na Davidi taidi ohùn sunnu atọn lọ lẹ tọn. Enẹwutu, e ma sọgbe to nukun etọn mē nado nù osin lọ. Kakatimọ, e wá tadona kọn dọ emi dona kọn ẹn do aigba.—Lev. 17:11; Deut. 12:23, 24.

w18.06 17 huk. 5-6

Dike Ohó Jiwheyewhe Tọn Ni Nọ Deanana Ayihadawhenamenu Towe

⁵ Nado mọaleyi sọn osẹn Jiwheyewhe tọn lẹ mē, mí dona wà nususu hú osẹn lọ lẹ hihia kavi akojijẹ hẹ yé poun. Mí dona plọn nado yiwanna yé bosọ tindo sisi na yé. Ohó Jiwheyewhe tọn dọmọ: “Mí gbewanna nuhe ylan, bo yiwanna nuhe yin dagbe.” (Amọ. 5:15) Şigba, nawẹ mí nọ wàmọ nu-gbonugbo gbon? Aliho titengbe dopo wẹ nado nọ pọn nule hlan dile Jehovah nọ wà do. Apajlẹ dopo die: Mí ni dọ dọ a ma nọ mọ amlondọ ganji. Doto towe na

we ayiname gando núdudu delẹ dudu, ai-hundida lanmeyiya tọn po diodo devo lẹ bibasi to gbẹzan towe mē po go. To whenue a tẹn ayiname lọ lẹ pọn godo, a mọdọ yé wazon! E yonbasi dọ a na yon pinpen eton taun dọ doto towe goalona we nado hẹn gbẹzan towe ponte.

⁶ To aliho dopolọ mē, Mędatọ míton ko na mí osẹn lẹ he sọgan basi hihona mí sọn kọdeton vẹadi ylano tọn lẹ si bo gbọnmọ dali hẹn gbẹzan míton ponte. Lennupondo lehe mí nọ mọaleyi sọn tonusisena osẹn Biblu tọn he gando lalodido, ayiha gige-de zinzan, ajojijẹ, fennuwiwa zanhemẹ tọn, danuwiwa po afinyonnuwiwa po go lẹ mē do ji. (**Hia Howhinwhẹn lẹ 6:16-19**; Osọ. 21:8) To jowamọ-liho, owanyi he mí tindo na Jehovah po osẹn eton lẹ po nọ jideji to ahun míton mē dogo, to whenue mí tindo numimọ dona susugege he nọ wá sọn nule wiwà to aliho Jehovah tọn mē tọn.

Onú Sisosiso Gbigbomẹ Tọn Lẹ

it-1-F 492 huk. 2-3

Ahun

Sinsẹn-Bibasi po “Ahun Pipé de” Po. Eyin ahun jonun dona to blebu whẹpo do wazon dile e jẹ do, ahun yehiadonu tọn uwọ gán má. Davidi hodẹ dọmọ: “*Na mi ahun he ma má de* nado nọ dibusi oyín towe,” ehe dohia dọ nuhe mēde nọ yiwanna po nuhe nọ duahunmẹna ẹn lẹ po sọgan zón bọ ahun eton na má. (Slm 86:11, Odò.) Omẹ monko sọgan nọma “yin ahundoponọ,” enẹ wẹ yindọ sinsẹn-bibasi eton hlan Jiwheyewhe na gblọ to linlẹn de mē. (Slm 119:113; Osọ 3:16) Mọdopolọ, mēde sọgan nọma wà nude po “ahun lẹpo” po. To linlẹn de mē, e na yin ayihaawenọ kavi tindo ahun awe (to paa mē, ahun de po ahun

devo po). Omẹ mọnko na to tintenpon nado sẹn ogán awe kavi gbọn oklọ dali to nude dọ to whenuena e yindọ nudevo lẹn wẹ e te. (1Ot 12:33, Odò; SIm 12:2) Jesu gblewhẹdo yenuwiwa mọnko sinsinyen.—Mt 15:7, 8.

Mẹhe ma yin ahundoponọ kavi mẹhe yin ayihaawenọ ma sọgan hẹn homẹhun Jiwheyewhe. Eyin e jlo na wàmọ, e dona sẹn ẹn po ahun *pipé* de po. (1Ot 28:9) Ehe nọ biọ dọ yẹ ni dovivenu taun, na ahun yin owunu bo nọ jlo na wà oylan. (Jel 17:9, 10; Jen 8:21) Onú ehele sọgan gọlọnamẹ nado hẹn ahun pipé de go: odẹ ahundopo tọn hihò, (SIm 119:145; Avi 3:41), Ohó Jiwheyewhe tọn pinplọn whẹwhe (Ẽzl 7:10; Hwh 15:28), mahẹ zohunhun tọn tintindo to wẹndagbe lọ lílá mẹ (yijlẹdo Jel 20:9 go), gọna gbẹdido hẹ mẹdevo he yí ahun pipé do to Jehovah sẹn lẹ.—Yijlẹdo 2Ah 10:15, 16 go.

13-19 FÉVRIER

NUHỌAKUẸ LẸ SỌN OHÓ JIWHEYEWHE TỌN MẸ | 1 OTANNUGBO LẸ 13-16

“Anademẹ Hihodo Nọ Hẹn Kọdetọn Dage Wá”

w03 1/5 10 huk. 12

Be Hiẹ Nọ Kanse Dọ, ‘Fie Wẹ Jehovah te’ Ya?

¹² To whenuena aki alẹnu tọn ko yin hinhẹn lẹkọwa Israeli bo ko yin hinhẹn do Kiliati-jearimi na owhe susu godo, Ahọlu Davidi jlo na sẹten na ẹn wá Jelusalẹm. E dọho hẹ awhàngán lẹ bosọ dọ dọ Aki lọ na yin tensẹna ‘eyin e sọgbe to nukun yetọn mẹ bọ Jehovah sọ kẹlọyi.’ Sığba e ma dín anademẹ Jehovah tọn ganji nado yọn ojlo etọn do whẹho lọ ji. Eyin e ko wàmọ wẹ,

Aki lọ ma na ko yin zizedo kẹkẹ de ji. E na ko yin zize gbọn Kohatinu Levinu lẹ dali do abọ yetọn lẹ ji, dile Jiwheyewhe ko dọ hezeheze do. Dile etlẹ yindọ Davidi nọ dín anademẹ Jehovah tọn gbọzangbọzan, e gboawupo nado wàmọ to aliho he sọgbe mẹ to ojlẹ ehe mẹ. E dekọtọn do nugba-jẹmẹji mẹ. Davidi yigbe to godo mẹ dọmọ: “OKLUNỌ Jiwheyewhe mítọn ko basi gbá-gbigbo de to mí ji, na enẹ mí ma dín in kẹdẹdi ogbedai lọ gba.”—1 Otannugbo lẹ 13:1-3; 15:11-13; Osọha lẹ 4:4-6, 15; 7:1-9.

w03 1/5 11 huk. 13

Be Hiẹ Nọ Kanse Dọ, ‘Fie Wẹ Jehovah te’ Ya?

¹³ To whenuena Aki lọ yin zize gbọn Levinu lẹ dali sọn owhé Obẹdi-edọmi tọn gbẹ wá Jelusalẹm to godo mẹ, ohàn he Davidi pà de yin jiji. E bẹ nuflinmẹ ahundoponọ lọ hẹn dọmọ: “Mì nọ to OKLUNỌ po huhlọn etọn po dín; mì nọ to nukunmẹ etọn dín tẹgbẹ. Mì nọ flin azọnjiawu etọn he e wà lẹ; nujiawu etọn lẹ po whẹdida onú etọn tọn lẹ po.”—1 Otannugbo lẹ 16:11, 12.

Onú Sisosiso Gbigbọmẹ Tọn Lẹ

w14 15/1 10 huk. 14

Nọ Sẹn Jehovah, Ahọlu Madopodo Lọ

¹⁴ Davidi hẹn apotin alẹnu tọn wiwe lọ wá Jelusalẹm. To nujijọ ayajẹ tọn ehe whenu, Levinu lẹ jihàn pipà tọn de he bẹ hogbe ayidego tọn delẹ hẹn, he tin to 1 Otannugbo lẹ 16:31 mẹ dọmọ: ‘Yé ni to didọ to kosi lẹ sẹnşẹn dọ, Jehovah lẹzun Ahọlu.’ Mẹde sọgan kanse dọ, ‘To whenuena e yindọ Jehovah wẹ Ahọlu madopodo lọ, linlẹn tẹ mẹ wẹ ewọ *lẹzun* Ahọlu to ojlẹ enẹ mẹ te?’ Jehovah *lẹzun* Ahọlu to linlẹn lọ mẹ dọ e yí aşẹpipa etọn zan kavi deazọnna mẹde nado ze afọ etọn dai to

ojlẹ tangan de mẹ kavi nado didẹ ninọ-
mẹ tangan de. Adà gandudu Jehovah tọn
ehe tindo zẹmẹ he gblooda taun. Jenu-
konna okú Davidi tọn, Jehovah dopagbe
na ẹn dọ aholdu etọn na zindonukon
kakadoi dọmọ: “Yẹn na ze okún towe
daga to godo towe, he na tọn sọn vidò
towe lẹ mẹ jẹgbonu, yẹn nasọ hẹn aholdu
etọn lodo.” (2 Sam. 7:12, 13) To godo
mẹ, “okún” Davidi tọn ehe wá sọawuhia to
owhe 1000 linlán godo. Menu wẹ okún
ehe, podọ whetenu wẹ e na lẹzun Aholu?

AWUWIWLENA LIZONYIZON KUNNUDE- GBE TON

w16.01 13-14 huk. 7-10

**Dike “Nunina Vọnu Mayonjle” Jiwheyewhe
Tọn Ni Nọ Whàn We**

⁷ Tintan, mí dona yin whinwhàn nado nọ-
gbẹ na Klisti Jesu. Aposteli Paulu dọmọ:
“Owanyi he Klisti tindo nọ whàn mí.” (**Hia
2 Kọlintinu lẹ 5:14, 15.**) Paulu mọnu-
kunnujẹemẹ dọ eyin mí kẹalọyi owanyi
vonọtaun Klisti tọn, enẹ dona whàn mí
nado nọgbẹ na ewọ. Eyin mí mọnukunnujẹ
nuhe Jehovah ko wà na mí mẹ bọ owanyi
etọn sọ whàn mí, mí na tindo ojlo nado
yí alindon míton lẹpo do nọgbẹ na Klisti
Jesu. Nawẹ mí nọ do ojlo enẹ hia gbọn?

⁸ Mẹhe yiwanna Jehovah lẹ nọ yin whin-
whàn nado hodo apajlẹ Klisti tọn bo nọ
yinuwa dile ewọ nọ yinuwa do bosọ nọ
hodo afódòmẹ etọn lẹ pẹkipẹki. (1 Pita
2:21; 1 Joh. 2:6) Mí nọ dohia dọ mí yiwanna
Jiwheyewhe po Klisti po gbọn tonusise
mítón dali. Jesu dọmọ: “Ewọ he mọ gbe-
dide sie lẹ yí bo nọ yin yé, ewọ wẹ mēhe
yiwan na mi. To alọ devo mẹ, ewọ he yi-
wan na mi, Otọ sie na yiwan na ẹn, yẹn
nasọ yiwan na ẹn bo na do dee hia ẹ he-
zezeze.”—Joh. 14:21; 1 Joh. 5:3.

⁹ To ojle Ofline tọn mẹ, nuyọnnu wẹ e na
yin dọ mí ni lẹnnupondo gbẹzan míton ji.
Kanse dewe dọ: ‘Adà telẹ mẹ wẹ n’to afọ-
dòmẹ Klisti Jesu tọn lẹ hodo te dile e jẹ
do? Adà telẹ mẹ wẹ n’dona dovivenu dogo
te?’ Nujonu wẹ e yin dọ mí ni gbeje míde
pọn, na egbesọegbesọ wẹ mí nọ yin kọ-
gbidina nado yinuwa taidi mēhe to aihon
lọ mẹ lẹ. (Lom. 12:2) Eyin mí ma tin to
aṣẹji, mí sọgan lẹzun devi tamenuplonmẹ-
tọ aihon ehe tọn lẹ tọn, gbẹtọ nukundẹji
aihon tọn lẹ tọn kavi aihundatọ lanmẹyi-
ya tọn he diyin lẹ tọn. (Kọl. 2:8; 1 Joh.
2:15-17) Sığba, nawẹ mí sọgan duto kọ-
gbidinamenu enẹlẹ ji gbọn?

¹⁰ Mí sọgan yí ojle Ofline tọn lọ zan taidi
dotenmẹ hundote de nado gbeje avọ-pot-
tin míton mẹ pọn, gona sinima he mí nọ
pọn lẹ, ohàn he mí nọ dotó lẹ, podọ nuhe
mí sẹdo do ọdinateẹ míton, alokan apòmẹ
tọn míton kavi do ọdinateẹ apòmẹ tọn mí-
ton ji lẹ. Dile a to avọ-potin towe mẹ pọn,
kanse dewe dọ: ‘Eyin n’do avọ ehe yí fide
he Jesu na te, be n’na voawu eyin e mọ
avọ lọ to okò na mi ya?’ (**Hia 1 Timo-
ti 2:9, 10.**) ‘Eyin n’do avọ lọ, be e na
họnwun na mēlẹpo dọ hodotọ Klisti Jesu
tọn wẹ n’yin ya?’ Mí sọgan kàn kanbiọ do-
polọ lẹ sè míde gando sinima he mí nọ de
nado pọn po ohàn he mí nọ de nado doto
lẹ po go. ‘Be Jesu sọgan pọn sinima ehe
kavi doto ohàn ehe nado deayidai ya? Eyin
e whé alokan sie kavi ọdinateẹ apòmẹ tọn
sie, be nuhe e na mọ to e ji lẹ na zọn bọ
winyan na hù mi wẹ ya? Eyin Jesu kanho-
se mi gando aihundida video ji tọn he
n’yiwan na bo nọ hò go, be n’na voawu do
basi zẹmẹ na ẹn ya?’ Owanyi he mí tin-
do na Jehovah dona whàn mí nado bẹ
nudepoke he ma sọgbe na devi Klisti tọn
lẹ dlan mahoponna lehe nulọ vẹakue sọ.

(Owalọ 19:19, 20) To whenue mí basi klan-dowiwe, mí dopà dọ mí ma na nọgbè na míde ba, şıgba na Klisti. Enẹwutu, mí ma dona tẹdo nudepope go he sọgan gılónali-na mí ma nado hodo afòdòmẹ Klisti tòn lẹ pẹkipeki.—Mat. 5:29, 30; Flp. 4:8.

20-26 FÉVRIER

NUHỌAKUẸ LẸ SỌN OHÓ JIWHEYẸWHE TỌN MẸ | 1 OTÀNNUGBO LẸ 17-19

“Hẹn Ayajẹ Towe Go Eyin A Tlẹ Jẹflumẹ”

w06 15/7 19 huk. 1

Ze Ayidonugo Towe Lẹpo Do Dagbewà Titobasinanu Jehovah Tòn Jì

DAVIDI Isłaeli hohowhenu tòn yin dopo to omẹ vonọtaun hugan he yin nùdego to Owe-wiwe Heblu tòn lẹ mẹ. Lẹngbọhọto, hànsinọ, yẹwhegán, podọ ahọlu ehe dejido Jehovah Jiwheyẹwhe go mlenmlen. Haşınşan pẹkipeki Davidi tòn hẹ Jehovah hẹn ẹn tindo ojlo nado gbá ohò de na Jiwheyẹwhe. Ohò kavi templi monkọtòn na wá lẹzun ahonkan sinsen-bibasi nugbo tòn to Isłaeli. Davidi yonẹn dọ titọ he gando templi lọ go lẹ na hẹn ayajẹ po dona lẹ po wá na omẹ Jiwheyẹwhe tòn lẹ. Enẹwutu Davidi jihan dọmọ: “Donanọ wẹ mẹhe hiẹ [Jehovah] de, he hiẹ hẹn sẹpo dẹ we, na e nido nọ nọ akanmaho towe lẹ mẹ: dagbe ohò towe tòn na pekona mí, yèdọ templi wiwe towe tòn.”—Psalm 65:4.

w21.08 22 huk. 11

Nọ Mọ Ayajẹ to Lẹblanulọkeyi He A Tindo lẹ Mẹ

¹¹ Mọdopolọ, mí gán yidogona ayajẹ míton, eyin mí nọ **vánkan** to nudepope he yin didena mí to sinsenzon Jehovah tòn mẹ kẹn. Nọ ‘hẹn alonu towe ján petepete’ to

azón yẹwhehodidọ tòn lọ mẹ, bosọ nọ ze dewe jo mlenmlen na nuwiwa agun lọ tòn lẹ. (Owalọ 18:5; Heb. 10:24, 25) Nọ wleawu whẹpo dọ yì opli lẹ po yanwle lọ po nado na gblondo mejlódote tòn lẹ. Nọ ylọ azón depope he yin didena we to opli osẹ şenşen tòn jì dọ nujonu. Eyin yè biọ to asi we nado goalọ to azón de mẹ to agun lọ mẹ, nọ wá do gánmẹ bosọ yin mẹhe go yè gán dejido. Ma nọ pón azón depope he yin didena we hlan taidi whenu hẹngu blo. Nọ dovivenu nado hẹn azónyinyonẹn towe pọnte. (Howh. 22:29) Dile a to vivenudo to nuwiwa gbigbomẹ tòn lẹ po azóndename lẹ po mẹ sọ, mọ wẹ a na yawu yinukon do niyẹn, podọ a nasọ do ayajẹ susu. (Gal. 6:4) E nasọ bọawuna we dogo nado nọ jaya hẹ mèdevo lẹ whenue yé mọ lẹblanulọkeyi he a na ko jlo nado mọyi de yí.—Lom. 12:15; Gal. 5:26.

Onú Sisosiso Gbigbomẹ Tòn Lẹ

w20.02 12, apotin

Mí Yiwanna Otọ Míton Jehovah Sisosiso

Be Jehovah Nọ Doayi Go E Ya?

Be a ko kanse dewe pón dọ, ‘Po gbẹtọ liva susu he tin to aigba jì lẹ po, naegbon Jehovah nado doayi go e’ ya? Eyin mọ wẹ, yonẹn dọ e ma yin hiẹ kẹdẹ wẹ nọ kàn mọ sẹ. Ahọlu Davidi wlan dọmọ: “Jehovah E, etẹwẹ gbẹtọ yin bọ hiẹ do nọ doayi e go, podọ etẹwẹ gbẹtovi tata de yin bọ hiẹ do nọ na ẹn ayidonugo?” (Salm. 144:3) Davidi kudeji dọ Jehovah yon emi ganji. (1 Otàn. 17:16-18) Podọ gbọn Ohó eton po titobasinanu eton po gblamẹ, Jehovah nọ wọ jide na we dọ emi nọ doayi owanyi he a nọ dohia emi go. Lennupondo hodidọ delẹ jì sọn Ohó Jiwheyẹwhe tòn mẹ he sọgan goalona we nado kudo nugbo enẹ jì:

• Jehovah doayi go we etle yin wẹpo a do yin jiji.—**Salm. 139:16.**

• Jehovah yọn nuhe to ahun towe mẹ, bosọ yọn nuhe lẹnpon a te.—**1 Otàn. 28:9.**

• Jehovah lẹsu wẹ nọ dotoaina odẹ he a nọ hò lẹpo.—**Salm. 65:2.**

• Waloyizan towe lẹ nọ yinuwado Jehovah ji.—**Howh. 27:11.**

• Jehovah ko dọn we wá ede dè.
—**Joh. 6:44.**

• Eyin a kú, Jehovah yọn we ganji sọmọ bọ e na penugo nado fọn we sọnku. E na na we agbasa yoyọ de bo gò oflin towe lẹ wá ayiha towe mẹ bosọ hẹn we tindo jẹhẹnu he a ko tindo dai lẹ.—**Joh. 11:21-26, 39-44; Owalo 24:15.**

27 FÉVRIER–5 MARS

NUHỌAKUẸ LẸ SỌN OHÓ JIWHEYẸWHE TỌN MẸ | 1 OTÀNNUGBO LẸ 20-22

“Gọlọna Joja lẹ Nado Tindo Kọdetọn Dagbe”

w17.01 29 huk. 8

“Ze Onú Ehele Do Alọmẹ Na Omẹ Nugbo-nọ Lẹ”

⁸ **Hia 1 Otànnugbo lẹ 22:5.** Davidi sọgan ko wá tadona kọn dọ Sọlomọni ma pegan nado deanana azọn titengbe ehe nkọ. To popolẹpo mẹ, ẹmpli lọ dona tindo “gigo tlala,” podọ to ojẹ enẹ mẹ Sọlomọni gbẹ yin “joja bo ma tindo numimọ.” Etomọso, Davidi yọnen dọ Jehovah na gọlọna Sọlomọni nado hẹn azọn he yin didena ẹn lọ di. Enẹwutu, Davidi ze ayiha do nuhe e sọgan wà nado gọlọ ji, bo wleawu azọn-wanu susu tọn dai.

w17.01 29 huk. 7

“Ze Onú Ehele Do Alọmẹ Na Omẹ Nugbo-nọ Lẹ”

⁷ Davidi ma dọn yonu dogodo, bo jẹ nuhlundọ ji dọ emile wẹ jẹ nado mọ lẹblanulọkeyi lọ yí nado gbá ẹmpli lọ gba. Nugbo wẹ dọ to godo mẹ, ohọ lọ wá yin yinyọnen taidi ẹmpli Sọlomọni tọn, kakati nido yin Davidi tọn. Dile etle sọgan ko vẹna Davidi dọ e ma penugo nado wà nuhe e jlo vẹkuvẹku nado wà, e nọgodona tito lọ to gigọ mẹ. E yí zohunhun do wleawuna azọnwato lẹ, bo bẹ ogàn, gànveẹ, fataka, po sika po gọna owhe kedali tọn lẹ pli. Humọ, e na tuli Sọlomọni dọmọ: “Todin, visunnu sie, Jehovah ni tin hẹ we, na hiẹ ni tindo kọdetọn dagbe bo gbá ohọ Jehovah Jiwheyẹwhe towe tọn, kẹdẹdile ewọ ko dọho etọn do gando gowe.”—**1 Otàn. 22:11, 14-16.**

w18.03 11 huk. 14-15

Mejitọ lẹ Emi, Be Mi to Alọgọna Ovi Mitọn lẹ Nado Yinukọn Jẹ Baptẹm Kọn Ya?

¹⁴ Taidi lẹngbohoto gbigbomẹ tọn lẹ, meho agun tọn lẹ sọgan yidogona vivẹnudido mejitọ lẹ tọn gbọn ohọ dagbe lẹ didọ gando yanwle gbigbomẹ tọn lẹ go dali. Memeýonnu de he sẹn taidi gbehosonalitọ na owhe 70 linlán, tindo owhe ẹido-po to whenue e dọho hẹ Memeşunnu Charles T. Russell, amọ ewọ gbẹ nọ flin nuyiwadomeji hododopo enẹ tọn. Memeýonnu lọ dọmọ: “E yí nukunwhiwhe 15 zan do dọho hẹ mi do yanwle gbigbomẹ tọn sie lẹ ji.” Na nugbo tọn, hogbe dagbe podọ tulinamẹ tọn lẹ sọgan yinuwadomeji na ojẹ dindẹn. (Howh. 25:11) Meho lẹ sọgan sọ biọ to mejitọ lẹ po ovi yetọn lẹ po si nado tindo mahẹ to tito he gando

Plitenhọ Aholuduta tọn go lẹ mẹ, bo nọ deazonna joja lẹ sọgbẹ hẹ owhe po nugo-pipe yeton lẹ po.

¹⁵ Hagbẹ agun tọn lẹ sogan goalọ gbọn ojlo didohia to joja lẹ mẹ to aliho he sọgbẹ mẹ dali. Ehe na biọ dọ yé ni nọ doayi ohia nukonyiyi gbigbomẹ tọn joja lọ lẹ tọn go. Be joja de na gblondo ahundopo tọn he do lenpon dagbe hia kavi tindo mahe to ada opli ose şenşen tọn de mẹ ya? Be joja de ko pehe whlepon tenogligo-hinhen tọn de po kọdeton dagbe po kavi ko yi dotenme hundote de zan nado dekunnu to wehomẹ ya? Nọ yawu pa e po ahundopo po. Naegbọn a ma na yi do basi yanwle nado nọ dọho hẹ joja de—jenukon-na opli de kavi to vivonu eton—nado do ojlo ahundopo tọn he a tindo to ewo mẹ hia? To aliho enẹ po devo lẹ po mẹ, joja lẹ sogan mo to yede mẹ dọ emi yin apadewhe “agun daho” de tọn.—Salm. 35:18.

Onú Sisosiso Gbigbomẹ Tọn Lẹ

w05 1/10 11 huk. 6

Nuagokun lẹ sọn Owe Otannugbo lẹ Tintan Tọn Mẹ

21:13-15. Jehovah degbena angeli lọ nado doalotena azonylankan lọ na E sè vivẹ oyà he omẹ Eton lẹ to jiji tọn wutu. Na nugbo tọn, “daho tlala wẹ leblanu eton lẹ.”

AWUWIWLENA LIZONYIZON KUNNUDEGBE TON

w16.03 10-11 huk. 10-15

Joja lẹ Emi—Nawẹ Mi Sogan Wleawudaina Baptem Yiyi Gbọn

¹⁰ Biblu dọmọ: “Yise, eyin e ma tindo azon lẹ, yin osio to ede mẹ.” (Jak. 2:17) Eyin a tindo yise nujonu tọn, nuhe sọgbẹ wẹ e yin nado donukun dọ a ni do e hia to

walọ towe lẹ mẹ. Walọ tele wẹ? Biblu dọho gando “walọ wiwe lẹ po nuyiwa medezejo na Jiwheyewhe tọn lẹ po” go.—**Hia 2 Pita 3:11.**

¹¹ Nado sogan do “walọ wiwe lẹ” hia, a dona wé to waloyizan-liho. Nawẹ a to nuyiwa gbọn to whẹho ehe mẹ? Di apajẹ, lennupondo osun şidopo he wayi lẹ ji. Nawẹ a ko dohia dọ a plon “huhlon wuntuntun tọn” towe nado nọ yon voglobingbọn to dagbe po oylan po şenşen gbọn? (Heb. 5:14) Be a sogan flin ninomẹ dele he mẹ a duto whlepon kavi kọgbidi-name hagbẹ tọn ji te ya? Be waloyizan towe to wehomẹ nọ na kunnudide dagbe gando yise towe go ya? Be kakati nado yiaवलlona yise towe a nọ dohia dọ a ma gbónvona klasigbẹ towe lẹ, na yé nikaa şan we kò wutu wẹ ya? (1 Pita 4:3, 4) Na nugbo tọn, gbẹtovi pipé de ma tin. Mēhe tlẹ ko to Jehovah sẹn sọn ojẹ dindẹn die lẹ losu sogan kuwinyan nado yiaवलlona yise yeton to mesusu nukon to whedelenu. Şigba, mēhe ko klan ede do wiwe na Jehovah nọ doawagun nado tindo oyin Jiwheyewhe tọn to ota, podọ e nọ do ehe hia gbọn waloyizan eton dali.

¹² Etewẹ dogbọn “nuyiwa medezejo na Jiwheyewhe tọn lẹ” dali? Ehele nọ bẹ nuhe hiẹ nọ wà to agun mẹ lẹ hẹn, taidi opli lẹ yiyi po mahe tintindo to lizonyizon lọ mẹ po. Yé sọ nọ bẹ nuwiwa gbigbomẹ tọn he medevo lẹ ma nọ mo lẹ hẹn, taidi odẹ medetiti tọn towe lẹ po oplon medetiti tọn po. Mēhe ko klan gbẹzan eton do wiwe na Jehovah ma na pon nuwiwa ehele hlan taidi agbànpemenu. Kakatimo, e na tindo pondohlan Aholu Davidi tọn, mēhe dọmọ: “Homẹ şie hùn nado wà ojlo towe, Jiwheyewhe şie E: nugbo, osen towe tin to yen homẹ don.”—Ps. 40:8.

¹³ Nado gọalọna we nado ze yanwle lẹ dai, apotin de yin awuwlena do weda 308 po 309 po tọn ji to owe lẹ *Les jeunes s'interrogent—Réponses pratiques*, Bladopo 2tọ mẹ. Apotin ehe na hẹn we nado na gblọndo na kanbiọ de lẹ taidi *“Quelle est la précision de vos prières, et que révèlent-elles sur votre amour pour Jehovah?”* (Etẹ lẹ ji wẹ a nọ zinnudo to odẹ towe lẹ mẹ, podọ etẹwẹ odẹ towe lẹ nọ dohia gando owanyi towe na Jehovah go?) *“Qu’incluez-vous dans votre étude individuelle?”* (Etẹwẹ oplọn mẹteti tọn towe nọ bẹhẹn?) *“Allez-vous prêchez même si vos parents n’y vont pas?”* (Be a nọ tọn na lizonyizọn lẹ eyin mejitọ towe lẹ ma tẹ tọn ya?) Tẹnmẹ de sọ yin awuwlena do apotin lẹ mẹ na we nado kàn yanwle depope he a jlo na zedai gando odẹ towe lẹ, oplọn mẹteti tọn, po lizonyizọn lẹ po go dai.

¹⁴ Susu joja he to nulẹnpọn do baptẹm ji lẹ tọn ko modọ apotin ehe yin azọnwani

họakue de. Memeypọnnu joja de he nọ yin Tilda dọmọ: “N’yi apotin ehe zan nado ze yanwle lẹ dai. N’jẹ yanwle enẹ lẹ kọn dopo-dopo, podọ n’wleawufo nado yi baptẹm to nudi owhe dopo godo.” Memeşunnu joja de he nọ yin Patrick lọsu mọaleyi sọn apotin lẹ yiyizan mẹ. E dọmọ: “N’yọn nuhe yin yanwle sie lẹ, amọ, kinkan yé dai hẹn mi nado dovivenu bo jẹ yé kọn.”

¹⁵ Dopo to kanbiọ he hẹnmẹ lẹnnupọn hugan to apotin ehe mẹ lẹ mẹ wẹ: *“Served-vous Jehovah même si vos parents et vos amis cessaient de le faire?”* (Be a na sẹn Jehovah eyin mejitọ towe lẹ po họtọt towe lẹ po tẹ jo ewọ do ya?) Flindọ, taidi Klistiani he basi klandowiwe bo yi baptẹm de, hiẹ lọsu wẹ na dogbẹ dewe tọn na Jehovah. A ma dona nọtepon mèdevo lẹ etlẹ yin mejitọ towe lẹ whẹpo do sẹn ewọ. Walọ wiwe towe lẹ po nuyiwa mèdezejo na Jiwheyewhe tọn towe lẹ po nọ dohia dọ a ko hẹn nugbo lẹ zun towe bosọ to nukonyi nado jẹ baptẹm kọn.

